

Ձաւրն անդադար ի շուռ կու գայ,  
 Շարջի լերունքդ 'ւ յամէն սահրայ,  
 10 Տեսնի դժաղկունքն 'ւ ուրախանայ,  
 Եւ սիրով հարցանէ նոցա:

Այլ հաւ դուժրին եկեալ առ նայ,  
 Ասէ բըլպուլ վարդըն կու գայ.  
 Գընայ կանչէ բաղչին վերայ,  
 15 Մինչ որ զկանաչ փարդէն բանայ:

Ահայ գիշերն ինձ քուն չըգայ,  
 Ֆըղան կանչեմ վարդին վերայ,  
 Վահեմ ձայնէս իմ հեռանայ,  
 Աղաղակեմ երբ լուսանայ:

20 Քաֆուր վարդն որ զայն լըսեց,  
 Նայ ըզկանաչ փարդէն պատասեց,  
 Ելաւ կարմիր վըրան փրոսեց,  
 Ու զշահ բըլպուլն ի ներս կոչեց:

Քաղցրիկ հողմըն շարժէ ըզթերթ քոյ,  
 25 Ձիս արբուսցէ յանուշ հոտոյ,  
 Ձըհանդարտիմ ի քոյ սիրոյ,  
 Բեր համբուրեմ ըզտիպըն քոյ:

Ասէ վարդըն ի բըլպուլն ուրախ,  
 Դու արեկ յիմ վըրանս անախ.  
 30 Ինձ սիրով ծառայեա մէկ պահ,  
 Ձիս կու քաղեն տանին անշահ:

Արթուն կենամ ես վասըն քոյ,  
 Երգեմ ձայնիւ զերգըս սիրոյ.  
 Մերձ լինիմ քեզ համբուրելոյ,  
 35 Նայ դուրանայ ցաւըս մարմընոյ: